

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

*K*hutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

30 Mars 2018
(11 Rajab 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Sacrifice Financier (Partie 1) ».

Pour aujourd'hui, mo fine choisir pou cause lors Sacrifice Financier dans le chemin d'Allah (swt). Li bien bien triste pou apprane ki malgré le fait ki Jamaat Ul Sahih Al Islam fine établi et enregistré officiellement dans plusieurs pays autour du monde, beaucoup bane membres dans sa bane pays là pas pé fer bane sacrifices financiers dans le chemin d'Allah (swt). Dans sa domaine là, pas ena progrès et très peu bane membres du Jamaat Ul Sahih Al Islam contribué financièrement dans le chemin d'Allah, pour la cause d'Allah.

Li bien bien triste ki, malgré ki zot reconnaite et accepter le Khalifatullah de sa l'époque là et ki zot fine intégrer le Jamaat Ul Sahih Al Islam, mais malgré sa zot pas pé faire bane zéffore concret (réel) pour faire bane contributions financiers. Kan mo fine trouve sa situation là, mo fine décidé pou concentrer mo Khutba aujourd'hui lors sa sujet là.

Nous bizin bien mette sa dans nous l'esprit ki Allah Li Indépendant de tous bane besoins, mais c'est au contraire nous ki dépanne de Li pour nous bane besoins. Ena

des milliers de façons par quoi Allah fourni bane besoins ki bizin. Le besoin et la valeur pou faire bane contributions dans le chemin d'Allah fine plusieurs fois répétés dans Quran Shareef. Kan zot faire sa, c'est-à-dire, bane sacrifices financiers, par sa, Allah purifier et nettoye bane dimounes. C'est ene moyen à travers lequel ene dévot grandi dans la justice, et li vine ene dimoune réformé et rejette beaucoup bane chemins travers, bane tels chemins ki pas pou amène li aucaine salut.

Mo envie explique zot la philosophie de faire bane sacrifices financiers. Allah dire dans Quran Shareef:

Et dépense dans le chemin d'Allah et pas zette zot par zot propres la main dans la destruction [kan zot pas dépense dans le chemin d'Allah]. Et faire le bien; en vérité, Allah content bane ki faire le bien. (Al-Baqara 2: 196).

Tout sa c'est dans zot l'avantage même, sinon c'est zot-mêmes ki pou bane perdants. Mo fine gagne beaucoup l'expérience dans sa domaine là et so non-respect entraîne bane pertes individuelles de plusieurs types. Quran Shareef lié le paiement de *Zakât* à ene sacrifice financier.

D'après Quran Shareef, meilleure solution pour l'amélioration économique d'ene nation c'est ki le peuple apporte so contribution dans le chemin d'Allah. Zot l'état contigner toujours améliorer. Nous communauté (Jamaat Ul Sahih Al Islam) donc pou fer progrès (par sa moyen là), kot li pou répanne dans bane les autres pays kot la pauvreté li extrême.

Mo fine faire plusieurs bane l'appels à zot tous pour aide la cause d'Allah et bane pays pauvres par zot bane contributions, sakaine d'après so capacité, d'après so moyen (parski Allah pas oulé jamais surcharge dimoune au-delà de so bane moyens). Allah (swt) tousel capave change la situation économique de sa bane pays pauvres là et aide nous pou établir nous en toute sécurité là-bas et dans le reste du monde.

Quran Shareef, dans so sagesse, enseigne ki Allah béni en grande quantité la richesse de bane ki faire bane sacrifices financiers dans So cause. A l'époque du Saint Prophète (saws), bane musulmans ti pé vive dans la pauvreté et même li et so bane madames ti pé souffert souvent de la faim malgré le fait ki zot ti appartenir à bane familles respectables de La Mecque. Seulement quelques musulmans ki ti

possédé (ki ti riches). En vérité bane ki vraiment riches zot bane ki fine accepté et pratique le Message Divine ki le Saint Prophète (saws) fine transmette à l'humanité.

Même après avoir ki li fine migré de Makkah à Madina, zot fine reste plus ou moins dans même position ki zot ti été. Zot fine survive avec difficulté. Plus tard, après quelques années, Allah fine rempli zot la cazes avec ene grand richesse et zot pas trouve ene pli grand changement aussi remarquable ki sa dans l'histoire. C'est pas conforme à bane l'enseignements de l'Islam pou décoire bane masjids avec l'or. Malgré sa, ene lé temps ti vini kot bane dirigeants musulmans et bane gouvernements ti possède tellement bane richesses ki zot pas ti conner ki zot pou fer avec sa, même après ki zot fine aide bane pauvres, construire bane l'universités et améiore l'économie dans plusieurs façons. Tout richesse trouve dans la main d'Allah ki Suffit à Li-même. Li pas bizin nannié. C'est nous ki dans le besoin.

Ti ena seulement quelques dimounes riches dans l'Arabie pendant bane premiers jours de l'Islam; donc bane sacrifices financiers de la majorité ti seulement bane ti donations ki zot ti pé faire. Plus tard, Allah fine donne à bane musulmans tant de richesses ki Bagdad (en Iraq) ti la ville ki plus riche dans le monde. Mo fine mentionne sa l'exemple là pour montrer ki en faisant bane sacrifices dans le chemin d'Allah, alors c'est prospérité et succès ki vini zis après sa. Si bane nations religieux pas arrive faire bane sacrifices financiers dans le chemin d'Allah, zot pou frapper par la pauvreté. Si, cependant, zot vine divant divant pou contribuer (généreusement) dans le chemin d'Allah, alors Allah pou accorde zot la richesse et la prospérité. Nous bizin bien comprend l'efficacité de sa secret là et mette li en pratique afin pou bâtir ene l'économie nationale.

Quran Shareef enseigne nous ki nous pas bizin fer ene faveur à ene kikaine avec l'idée pou gagne kit faveur en retour. (Al-Baqara 2: 265). Nous sacrifice pou Allah li ene humble don. Si Li accepter sa de nous, sa pou nous propre bien-être et pou ene récompense pou nous (nous pou bien fortuné). C'est le devoir de bane ki ena bane responsabilités au niveau nationales pou encourage et élève l'esprit de sacrifice de la nation. Le sacrifice financier li ene remède ki fine essayé et testé dans le passé, en particulier dans l'époque du Saint Prophète Muhammad (saws) et alors plus tard Allah fine tellement béni sa la terre là ki Li fine fer bane la sources de l'huiles/pétroles ki vaut des milliards jaillir de sa la terre là. C'est à travers zot sacrifices ki zot ti faire au commencement (de l'Islam) ki tout sa fine arriver.

C'est en de bane la lois de tous bane vraies religions d'Allah (que ce soit dans le passé et avec l'avènement de l'Islam) ki ene grand richesse vine pou bane ki sacrifier zot richesse au service d'Allah (swt). Mo fine bien content pou apprane ki même dans bane régions ki pli pauvres de certains pays pauvres, ena ene l'esprit de sacrifices financiers et ene l'enthousiaste pou réponde à de tels appels pour la cause d'Allah. Si tous bane membres de nous Jamaat contribuer, sakaine d'après so capacité, alors mo capave affirmer ki tout le destin de bane pays pauvres, celui de nous Jamaat et même sa bane dimounes (membres) ki contribuer là zot propre conditions pou changer pour le meilleur. *Insha-Allah*. Voilà la solution de tous zot problèmes économiques et bane les autres problèmes. Bane dimounes bizin apprane faire bane contributions, bane dons, bane sacrifices financiers dans le chemin d'Allah (twa). Sa c'est la solution pour vaincre la pauvreté et toutes sortes de difficultés et de problèmes.

Pour aujourd'hui mo arrête mo Khutba ici et mo fer *duah* ki Allah (twa) donne moi le *Tawfiq* pour continuer le même sujet de mo Khutba vendredi prochain. *Insha-Allah*.

Ki Allah aide zot tous pou comprend complètement l'importance de sacrifice financier. Rappelle-zot ki kan zot pou donner dans le chemin d'Allah, sa pas pou fer zot vine pauvres si zot riches, et sa pas pou fer zot vine pli pauvres si zot déjà pauvres ou si zot gagne revenues dans classe moyenne de la société. Au contraire, kan zot pou contribuer dans le chemin d'Allah, au fait zot pé ouvert zot chemin vers ene la vie de sécurité intense, de la paix, de la foi, de confiance en Allah et de l'ouverture du trésor de la miséricorde et de la richesse d'Allah et tout sa zot pou recevoir kan zot pas attane ditout.

Allah dire dans Quran Shareef: **Bane ki dépense dans le chemin d'Allah ressembler à ene la graine kot sept zépi pousser, et kot dans sak zépi ena cent la grains. Parski Allah multiplier récompense de bane ki Li oulé et la grâce d'Allah li immense, et Li au courant de tout.** (Al-Baqara 2: 262).

Gagne la crainte d'Allah autant ki zot capave. Écouter, obéir et faire bane dons (en grande quantité). Sa pou ene bien pou ou. Et celui ki protéger contre so propre rapacité... c'est sa bane là ki pou réussi. (At-Taghabun 64: 17).

Ki Allah éveille zot conscience pour faire bane sacrifices financiers dans So chemin, pour le progrès du Jamaat Ul Sahih Al Islam dans le monde entier et pour aide tous bane ki, rappelle-zot, zot pli pauvres ki zot tous. *Ameen*.